




TRU TRU DINI LEKI KRESTEN

Les 10 fu 5
September
2026

«" Wi e kwinsi na alasei ,ma den no man broko wi.Wi no
sabi san fu du, ma wi no e lasi ati .Den de nomo nomo na wi
baka fu du wi ogri, ma wi no de wi wawan. Den naki wi
trowe,ma wi de ete.Ibri yuru wi e tyari a dede fu Yeises
nanga wi ,ini wi skin, fu meki taki a libi fu Yeises de fu si
ini wi skin.» (2 Kor.4 :8-10)



Suma e taki , dati a libi fu wan domri de kemakriki ? Dinari fu a bun nyunsu abi wan bigi frantwortu. Den muiti no de sondro problema.

Lobi fu sili di e go lasi ,nanga safri sorgu di den musu gi, fu hori nanga bow den di teki a bun nyunsu kba, e poti den tru tru dinari aparti fu den welder dagu.

Te a kerki wroko makandra nanga den domri ,dan den meki tranga tyenti ini a fasi fa den e libi, dan ai tron wan fasi fu tyari kon makandra, di e tya trostu nanga prisiri gi ala.



A WROKO FU WAN DOMRI



Domri di sabi san den e du.



A risiko fu a dini.



DEN PREKTI FU DEN MEMRE



Takiman fu meki bun.



A kari fu kon santa.



A TERE FU A WROKO MAKANDRA



Trostu nanga prisiri.

A WROKO FU A DOMRI

DOMRI DI SABI SAN DEN E DU

"Yu srefi na wi brifi, di skrifi na ini wi ati, di alasma sabi e'n e leisi"
(2 Kor. 3:2)

Son sani no e tyenti furu nanga ten. Brifi di e taki bun fu wan sma, e opo doro tide, soleki den ben du ini den fosi hondro yari. Pawles ben abi so wan brifi fanowdu, fu a kerki ini Korente ben aksepteri en? (2 Kor. 3:1)

A ben abi a moro bun brifi di e taki bun fu en: Den sma fu Korente srefi (2 Kor. 3:2) Den ati ben frander, tangi fu a kenade fu Gado, tangi fu a preiki fu a apostel nanga den di ben e wroko nanga en. (2 Kor. 3:3).

Pawles nanga den di ben e asistere en, ben bun leki dinari fu a nyun ferbontu" (2 Kor. 3:6). Wan ferbontu nanga glori, di a Yeye ben skrifi na tapu a ati fu gi te'go libi.

Ma wan tu go baka wan tra ferbontu, fu a blesi libi di e wroko fu a Wet, di skrifi ini ston, di hori den, fu den no ferstan a glori fu a kenade. (2 Kor. 3:7-9).



A RISIKO FU A DINI

"Ala disi na bun fu yu,so dati a kenade di e doro na moro e'n moro sma kan tya tangi fu gi Gado moro glori." (2 Kor.4:15)

Pawles ben ferstan e'n ferdrage a risiko fu a dini. A ben sabi dati den risiko disi ben de warti. A tyari den nanga lobi fu den sma di a gi a okasi fu doro a blesi libi.(2 Kor.4:15) Moro so, a ben abi a dyaranti fu a yepi fu Gado.(2 Kor.4:7-9):

Den e masi wi...


- ▶ bun tranga
- ▶ wi no sabi fa fu du
- ▶ den e lon na wi baka
- ▶ naki wi trowe

Ma...

- ▶ Den no broko wi
- ▶ wi no e lasi ati
- ▶ Gado no libi wi
- ▶ wi no broko

A bun nyunsu e preiki tangi fu swaki libisma ,sofasi Gado wawan e kisi grani.

Den pina “ na pikinso nomo, wan momenti “ te wi poti en sei nanga sei “ fu den te'go glori” di wi sa kisi tapu a dei fu opo baka.(2 Kor. 4:14-18).



DEN PREKTI FU DEN MEMRE

TAKIMAN FU MEKI BUN

“Ala disi na fu Gado, di meki en bun nanga wi,tangi fu Krestes, dan a gi wi fu dini nanga tyari a meki bun baka.” (2 Kor.5:18)

A krakti di e trusu wi e’n musu tyari a libi fu a kerki(nanga ibri memre) na disi:” a lobi fu Krestes e dwengi wi”(2 Kor.5:14) San na a lobi disi e’n san e dwengi wi?

Krestes gi en libi tangi fu lobi. Disi e dwengi wi fu libi gi En.(2 Korente 5:14,15)

Kresten meki wi tron nyun sani di en meki. Disi e dwengi wi fu libi wi owru libi na baka.(2 Kor. 5:17)

Krestes fersun wi nanga Gado.Disi e dwengi wi fu de takiman fu fersun.(2 Korente 5:18-20).

Fu dat ede a lobi fu Krestes e tyari wi fu tyentyi wi libi te na a rutu. Fu libi a lobi fu Yeises,owktu e tyari wi fu prati a lobi dati nanga trawan, fu gi den a tranga rai fu teki a boskopu fu howpu:”Fersun yu nanga Gado” (2 Kor 5:20).



A KARI FU DE SANTA



A kari fu de santa, e tyari wan frander ini a aladei libi fu domri nanga memre:

Ferdrage problema (2 Kor . 6:4,5)

Tya froktu fu a Yeye (2 Kor.6:6)

Fu de getrow e'n de rekfardek (2 Kor.6:7)

Tan tnapu steifi ondro alasani. (2 Kor. 6:8-10)

Opo yu ati gi trawan (2 Kor.6:11-13)

Puru yusrefi ini a ogri winti(a influt, sobu) fu den di no e bribi (2 Kor. 6:14,15)

"Datmeki,sensi wi abi den pramisi disi,lobi mati, meki wi krin wisrefi fu alasani di e doti wi skin nanga yeye,meki santa kon fu si hondru prosentu ,fu gi Gado grani." (2 Kor.7:1)

Pawles e moksi difrenti pisi fu a Owru Testamenti , ai poti en syatu,a kari fu de santa nanga en tere. (sobu; san ai tya) (2 Kor.6:16-18):

A kari

- Kmoto na den presi fu sondu
- Skoifi fu sondari
- No fasi san doti

Den tere

- Mi sa tan nanga yu
- Mi sa de yu Gado
- Yu sa de mi pipel
- Mi sa teki yu
- Mi sa de yu Tata


A TERE FU WROKO MAKANDRA

TROSTU NANGA PRISIRI

"Mi taki nanga yu ,fri nanga krin; mi abi bigi respekti gi yu.Mi e firi misrefi kraka bun; ini ala wi problema , mi prisiri no abi kba." (2 Kor. 7:4)

Nanga ala en problema , Pawles ben abi bun furu prisiri.(2 Kor. 7:4). San tyari a prisiri disi?

Pawles ben skrifi wan tranga brifi gi den sma fu Korente, di ben meki den sari (2 Kor. 7:8) Ma a sari dati ben meki den drai den libi (2 Kor. 7 : 9,10) Disi tyari wan here tra kenki ini a libi makandra nanga Pawles densrefi(2 Kor. 7 :11,12).



So ala feni trowstu.Titus a compe fu Pawles feni trowstu (2 Kor. 7:7) Pawles feni trowstu di Tites doro (2 Kor.7:6) Den sma fu Korente feni trowstu, so dan Pawles srefi feni trowstu.(2 Kor. 7:13).

Ma Pawles no teki nen fu dati. Efu domri nanga memre kan prisiri ini , prisiri nanga trowstu, dati kon bika "Gado e trowstu den di abi sakafasi."(2 Kor.7:6a).

“Dini na fu yepi trawan, fu a dini disi wi e kari. Na wan brokosaka gi Gado fu wan sa suku wan libi fu denki ensrefi wawan. Brada nanga sisa , yu e si dati ala yari dusun dusun sili e go lasi, e dede ini den sondu, bika a faya fu a tru no skijn na den pasi?... Furu wroko de fu du ini a grontapu disi. Man nanga uma musu drai den libi, no nanga a kado fu tongo , no nanga a du fu wonder,ma nanga a preiki fu Krestes di kroisi . Sainde wi sa wakti fu wroko fu meki grontapu kon moro bun?”